

Resolución do 29 de agosto de 2024, do Servizo Provincial de Ourense, pola que se sinalan as datas para o levantamento das actas previas á ocupación e para a formalización das actas de ocupación dos bens e dereitos afectados polo proxecto de trazado para a "Mellora de accesibilidade e conectividade das paradas de autobús situadas en la RAEG (Rede autonómica de estradas de Galicia) nas rutas de acceso á cidade de Ourense, nos concellos de Barbadás, Larouco, O Bolo e Viana do Bolo (Clave: OU/22/057.06).

O artigo 28 do vixente Estatuto de autonomía de Galicia establece no seu punto 2 a competencia da Comunidade Autónoma galega no desenvolvemento lexislativo e na execución da lexislación do Estado en materia de expropiación forzosa.

O 19 de maio de 2023, a Xunta de Galicia aprobou o proxecto de trazado para a mellora de accesibilidade e conectividade das paradas de autobús situadas en la RAEG (Rede autonómica de estradas de Galicia) nas rutas de acceso á cidade de Ourense, de clave OU/22/057.06, nos concellos de Barbadás, Larouco, O Bolo e Viana do Bolo, publicado no Diario Oficial de Galicia núm. 102, de 31 de maio de 2023.

A aprobación definitiva do proxecto de trazado implica a declaración de utilidade pública, a necesidade de ocupación dos bens e de adquisición dos dereitos necesarios para a execución das obras, dos depósitos dos materiais sobrantes, dos préstamos necesarios para executalas e para reposición de servizos afectados, previstos no proxecto, así como para a implantación do proxecto e as modificacións deste que, se é o caso, puidesen aprobarse posteriormente, e a urxencia da ocupación, todo iso para os efectos de expropiación, ocupación temporal ou imposición ou modificación de servidumes, segundo o disposto no artigo 22.5 da Lei 8/2013, do 28 de xuño, de estradas de Galicia.

A tramitación do expediente expropiatorio debe axustarse ao disposto nos artigos 52 da vixente Lei de expropiación forzosa do 16 de decembro de 1954, e 56 e seguintes do seu regulamento do 26 de abril de 1957.



En consecuencia, este servizo, en virtude da competencia delegada mediante Orde de 7 de setembro de 2017, sobre delegación de competencias no secretario xeral técnico e noutros órganos e entidades públicas adscritos a esta consellería, publicada no DOG nº 179 de 20 de setembro de 2017, resolveu convocar aos titulares de bens e dereitos afectados que figuran na relación exposta no taboleiro de anuncios dos concellos de Barbadás, Larouco, O Bolo e Viana do Bolo, para que comparezan no lugar, data e horas que se detallan a continuación, co fin de proceder ao levantamento das actas previas á ocupación, nas que se recollerán os datos necesarios para determinar os dereitos afectados, o valor destes e os prexuízos determinantes da rápida ocupación, sen prexuízo de se trasladaren ao lugar dos predios se o consideran necesario.

Termo municipal de Barbadás

Lugar: Salón de plenos do concello de Barbadás

Data: **25 de setembro de 2024; das 09:30 ás 12:00 horas**

Termo municipal de Larouco

Lugar: Salón de plenos do concello de Larouco

Data: **24 de setembro de 2024; das 09:30 ás 10:00 horas**

Termo municipal de O Bolo

Lugar: Salón de plenos do concello de O Bolo

Data: **24 de setembro de 2024; das 10:30 ás 11:30 horas**

Termo municipal de Viana do Bolo

Lugar: Salón de plenos do concello de Viana do Bolo

Data: **24 de setembro de 2024; das 12:30 ás 14:00 horas**

A relación de titulares cos bens e dereitos afectados, así como o plano parcelario correspondente estarán expostos nos concellos de Barbadás, Larouco, O Bolo e Viana do Bolo, e no Servizo Provincial da Axencia Galega de Infraestruturas de Ourense (r/ Sáenz Díez 1, 32003 Ourense), e publicarase no seguinte enlace da páxina web da consellería:



https://vivendaeinfraestructuras.xunta.gal/avisos?content=/Portal-Conselleria6/Avisos/resoluciones/aviso_0356.html

Así mesmo, realizarase a convocatoria aos interesados ao levantamento das actas previas mediante notificación individual.

A dito acto deberán acudir os titulares afectados persoalmente ou ben representados pola persoa debidamente autorizada para actuar no seu nome, xuntando os documentos acreditativos da súa titularidade, documento nacional de identidade (e, de ser o caso, outra documentación que se requira, xustificante do pago do IBI...), así como certificado de conta con códigos IBAN e BIC, a fin de realizar os sucesivos pagos que sexan procedentes mediante transferencia bancaria, podendo facerse acompañar a súa costa, se o estiman oportuno, dos seus peritos e notarios.

Así mesmo, en cumprimento do disposto no artigo 49 do Regulamento de Expropiación Forzosa de 26 de abril de 1957, este Servizo, unha vez levantadas as actas previas á ocupación, e habilitado o crédito oportuno, procederá ao pagamento, mediante transferencia bancaria, do importe dos depósitos previos e indemnizacións por rápida ocupación. No suposto de non ter presentado o certificado de titularidade da conta bancaria, con códigos IBAN e BIC, e a copia do DNI, consignarase o importe na Caixa Xeral de Depósitos, conforme o disposto no artigo 51 do Regulamento de expropiación forzosa, do 26 de abril de 1957.

En cumprimento do artigo 55 do Regulamento de Expropiación Forzosa do 26 de abril de 1957, neste mesmo acto, convócase ao acto de formalización das actas de ocupación o cal terá lugar, logo de producirse o aboamento dos depósitos previos e indemnizacións por rápida ocupación, no lugar e data que se indican:

Termo municipal de Barbadás

Lugar: Salón de plenos do concello de Barbadás

Data: **7 de novembro de 2024; das 13:00 ás 14:30 horas**



Termo municipal de Larouco

Lugar: Salón de plenos do concello de Larouco

Data: **7 de novembro de 2024; das 09:00 ás 09:30 horas**

Termo municipal de O Bolo

Lugar: Salón de plenos do concello de O Bolo

Data: **7 de novembro de 2024; das 09:45 ás 10:20 horas**

Termo municipal de Viana do Bolo

Lugar: Salón de plenos do concello de Viana do Bolo

Data: **7 de novembro de 2024; das 11:00 ás 11:30 horas**

No mesmo acto ofertaráselles aos propietarios as valoracións establecidas pola Administración para cada un dos predios en concepto de mutuo acordo.

O presente acordo faise público, para xeral coñecemento, advertindo aos titulares que na acta figurarán os donos da cousa ou titulares do dereito expropiado, e non se admitirá representación senón por medio de poder debidamente autorizado (notarial, xudicial ou do consulado), xa sexa xeral ou particular para este caso, debendo achegar a documentación necesaria para acreditar a sucesión en caso de figurar o terreo a nome de herdeiros; e que deberá identificarse co Documento Nacional de Identidade.

Ourense, 29 de agosto de 2024

O xefe do Servizo Provincial da AXI en Ourense

Marcos Buide Pollán